欽 定 全 唐

	目錄	
		策林四
		策林三
		白居易十六
新文藝出版社戲津	一目錄	欽定全唐文卷六百七十一目錄

金完全是一个 天下一一 白居易 明奉上聰明之道既阻於上下則能偽之俗不得不流於 降斯道寖衰秦漢以還斯道大喪上不以聰接下下不 聞堯之所以神而化者聰明文思也舜之所以聖而理者 明四目達四聰也益古之理化皆由聰明出也自唐虞以 夫欲達聰明致理化則在乎奉成式不必乎創新規也臣 欽定全唐文卷六百七十 白居易十六 策林三 三十六達聰明致理化

立 鼓 奉 内外也國家承百王已弊之風振千古未行之法於是始 鼓終歲而不開於 由 肵 鳴 **風使始加諫員始命待制官始設登開鼓故遺補之諫** 由通也待制之官進則眾臣之謀飲所由展也登開 斯 則 **壓者寢而不報待制之官經時而不見於** 雖堯舜之道無以出馬故貞觀之太和 而馴 則羣下之宽濫所由達也此皆我烈祖所物累 朝廷之得失所由知也匪使之職舉則天下之壅蔽 致矣自貞元以來抗疏而諫者弱而不行投書 聲臣恐眾臣之謀散或未盡展朝 開元之至 問登開 理率 聖 所 之

常今其時矣時不可失惟陛下惜而行之則堯舜之化祖 宗之理可得而致矣臣故曰達聰明致理化在乎奉成式 幸當陛下踐作體元之始施令布和之初則宜申明舊章 之得失或未盡知壅蔽者有所未通冤濫者有所未達今 欲也葢欲見於此則壅生於被壅生於彼則亂作其間思 臣聞國家之患患在臣之壅蔽也壅蔽之生生於君之好 條舉廢事使列聖之述作不墜陛下之聰明惟新以初為 次日と居と、美に丁二十二 不必手創新規也 三十七決壅蔽 白居易 不使人知所欲

則慮趙高之該進於侧矣見厚利則慮禁夷公之計陳於 壅也其所以然者将在乎靜思其故動防其微故聞甘言 決之節之又節之以至於無欲也決之又決之以至於無 矣然則明王非無欲也非無壅也益有欲則節之有壅則 るちょうころう 代有之可界言耳昔秦二代好佞趙高飾諂諛之言以壅 好味易牙蒸首子以壅之雖所好不同同歸於壅也所壅 作靡靡之樂以壅之周幽好色張人納點妻以壅之齊桓 之周厲好利樂夷公陳聚斂之計以壅之殷辛好音師涓 不同同歸於亂也故曰人君無見其意將為下餌益謂此

也 钦定全喜文 卷六百七十一 臣開建官施令者君所執也率職知事者臣所奉也臣行 安得不畫夜慮之寤寐思之立則見其參於前行則想其 君道則政專君行臣道則事亂專與亂其弊一也然則臣 隨於後自然兢兢業業日慎一日使左不知其所欲右不 知其所好雖欲壅蔽其可得乎此明王節欲決壅之要道 之女感於目矣嘗異味則慮易牙之子入於口矣大如是 前矣聽新聲則慮師涓之音誘於耳矣顧艷色則慮褒氏 三十八君不行臣事 白居易 委任宰相

道者百職至界萬事至繁誠非一人方寸所能盡也故王 之勤而庻績未必凝也得其要逸而有終非其宜勞而無 惕若厲之慮而雞倫未必序也行臣事者雖多日昃不食 其課受成於宰相不以勤倦自嬰然後謹殿最而賞罰馬 職也非宰相之任也夫以宰相尚不可侵有司之職况人 之職也故陳平不肯知錢穀那吉不問死傷者此有司之 審幽明而點账馬則萬樞之要畢矣故失君道者雖多夕 者但操其要擇其人而已將在乎分務於羣司各令督責 故也臣又聞坐而論道三公之任也作而行之卿大夫

宰相也 君可侵宰相之任乎可侵百執事之事乎臣又聞宰相之 設其位不可一日非其人得其人不可一日無其龍疑則 臣聞為國者皆患吏之貪而不知去貪之道也皆欲吏之 端拱凝旒而天下大理者無他馬委務於有司也仰成於 勿用用則勿疎然後能訴合其心馴致其道葢先王所以 任者上代天工下執人柄羣職由之而理亂庶政由之而 次定全事文 长了一一白居易 三十九使官吏清亷 均其禄厚其俸也 7 明

齊也不足者由所在官長侵刻不已也其甚者則有官 節况凡人能守其清白乎臣伏見今之官吏所以未盡貞 至使衣食不充凍飯並至如此則必冒白刃蹈水火而求 廉者由禄不均而俸不足也不均者由所在課料重輕不 君長能檢其臣吏乎凍餒切於身雖集由夷齊不能固其 私利也况可使撫人字物斷獄均財者乎夫上行則下 其俸而已夫衣食闕於家雖嚴父慈母不能制其子況 而不知致清之由也臣以爲去貪致清者在乎厚其禄 殊都縣同而俸異或削奪以過半或停給而彌 ファオフェーー 四

火足 台事文、 医六百七十一 或為非者百無一二也 懲 充於內清廉形於外然後示之以恥糾之以刑如此則 戶之眾寡禄之厚薄必稱賦入之少多俾乎官足以理 臣 身窮則心濫今官長日侵其利而望吏之不日侵於人 均天下課料重輕禁天下官長侵刻使天下之吏温 開古者計人而置官量賦而制禄故官之省置必稽 貪而勘清必矣陛下今欲革時之弊去吏之貪則其先 得也葢所謂渴馬守水餓犬護肉則雖日用刑罰不能 四十省官併俸減使職 白居易 <u>5</u> 縱 飽

其官 置 吏而不知厚其祿則飾詐而不康矣知厚其禄而不知省 也頃以兵戎屢動荒冷薦臻戶口流亡財征減耗則宜 禄 其官而省之併其禄而厚之故官省則事簡事簡則人安 人足以奉吏吏有常禄財有常征財賦吏員必參相得者 而 厚則吏清吏清則俗阜而天下所由理也然則知清 行之臣又見兵與以來諸道使府或因權宜而置 不理矣此三者选為表裏相須而成者也伏惟陛下 而不停或因暫勞而加俸一加而無減至使職多於 則財費而不足矣知省其官而不知選其能則事 職 量 壅

竭於倍利官課積於逋債至使公食有關人力不堪弊旣 縣之吏俸優於臺省之官積習生常煩費滋甚今若量其 職員審其禄秋使眾寡有常數厚漸得其中故禄得其中 滋深法宜改作且王者惡言水利患在不均况天下之錢 息無已然則舉之者無非貧戸後之者率是遠年故私財 臣伏見百司食利利出於人日給而經費有常月徵而倍 則費不廣而下無侵削之患矣職有常數則事不煩而人 無勞擾之弊矣此又利害相懸遠者伏惟陛下念而救之 大百公事と、長三月七十一 四十一議百司食利錢 白居易

故稽其地籍而田則具存考以戶租而數多散失至有品 臣 此亦古者公田稍食之制也國家自多事已來厥制不舉 界乎今若日計其費歲會其用舉為定數命日食征隨 則貧戸無倍息之弊矣入之有程則公食無告闕之應矣 税而分徵使萬民而均出散之天下其數幾何均之於眾 金分台月つまつて 公私交便其在兹乎 也謂之曰利曷若謂之曰征乎取之於寡曷若取之於 伏以職田者職旣不同田亦異數內外上下各有等差 四十二議百官職田

齊而戶租均等列辨而禄食足矣今陛下求其典而典存 謹按國朝舊典量品而授地計田而出租故地之多少必 欽定全唐文卷六百七十一 問傳曰誰能去兵兵之設久矣又曰先王耀德不觀兵一 矣 馬索其田而田在馬誠能申明舉而行之則前弊必自革 視乎品之高下租之厚薄必視乎田之肥境如此則沃瘠 外之職均上下之田不必乎創新規其在乎舉舊典也臣 秩等官署同原禄厚海之相懸近乎十倍者矣今欲辨内 四十三議兵 用拾逆順與亡 白居易

資以定功又乖耀德之美去就之理何者得中 兵之設久矣又周定天下偃武修文猶立司馬之官六軍 天下之王也祭公曰先王耀德不觀兵老子曰兵者不祥 臣聞天下雖與好戰必亡天下雖安忘戰必危不好不忘 何由逆順之要安在 本末故有一我而業成王霸一戰而禍及危亡與滅之迹 者古之明訓也然則君天下者廢而不用且涉去兵之非 又問兵不妄動師必有名議之者頗辨否臧用之者多迷 器不得已而用之斯則不好之明訓也傳曰誰能去兵

之要大畧有三而兵之名隨馬夫與利除害應天順人不 為名先義然後動謂之義兵相時觀釁取亂侮七不爲禍 去兵也不可贖武也在乎用之有本末行之有逆順逆順 之眾以時教戰斯又不忘之明訓也然則君天下者不 先敵至而應謂之應兵恃力宣驕作威逞欲輕人性命 欽定全唐文、卷六百七十一 故百戰百勝馬亡之兵先自敗而後戰也故勝與不勝 人上田謂之貪兵兵貪者亡兵應者強兵義者王王之 歸於亡馬然歷代君臣感於本末聞王者之無敵則思耀 無敵於天下也故有征無戰馬強之兵先弱敵而後戰也 白是易 同

之術故散之則軍情怨而我心故聚之則財用竭而人力 臣伏見自古以來軍法之眾資糧之費未有如今日者時 武是獲一兔而欲守林也見亡者之自敗則思弭兵是因 疲為日既深其弊亦甚臣以為銷兵省賣者在平斷召募 議者皆患兵之界而不知眾之由皆欲兵之銷而不得 **昭然可見唯陛下擇之** 而欲歸咎於兵責功於武不其感敗與廢之由逆順之要 咽而欲去食也曾不知無敵者根於義自敗者本於貪 四十四銷兵數省軍費 斷召募除虚名

之由積費之本也今若去虚名就實數則一日之內十已 慕新兵占舊額張虛簿破見糧者天下盡是矣斯則致眾 次定全喜文 卷六百七十一 去虚名而已伏以貞元軍與以來二十餘年陛下念其勢 銷也去虚就實則名不詐而用不費也故臣以爲銷兵之 減其二三矣若使逃不補死不填則十年之間十又減其 勢固不可散棄幸以時無戰伐又馬用增加臣竊見當今 三四矣故不散棄之則軍情無怨也不增加之則兵數自 方省費之術或在於此唯陛下詳之 四十五復府兵置屯田 白居易 分兵權存戎備助軍

業俾乎時而講武歲以勘農分上下之等遞勞逸之序故 一昔高祖始受隋禪太宗旣定天下以為兵不可去農不可 於戰伐若使反兵於舊府與利於廢田張以簿書領其廩 備矣不勞饋鉤而軍食自充矣此亦古者尉侯之制兵賦 之義也况今關畿之內鎮墨相望皆仰給於縣官且無用 廢於是當要衝以開府因除地以營田府有常官田有常 有虞則起爲戰卒無事則散為農夫不待徵發而封域有 夫欲分兵權存戎備助軍食則在乎復府兵置屯田而已 食 欽定全唐文·卷六百七十一 人之耳而聽之因人之目而視之因人之好惡而取捨之 功見於選將將功見於理兵者也然則選將之術在乎因 關中稍置於天下則兵權漸分而也聚之弊日銷矣戎備 臣聞君明則將賢將賢則兵勝故有不能理兵之将而無 漸修而訓習之利日與矣軍食漸給而飛輓之費目省矣 積因其卒也安之以 田宅因其将也命之以府官始復於 不可勝之兵有不能選將之君而無不可得之將是以君 一事作而三利立唯陛下裁之 四十六選將帥之方 自居易

故 所以念功勞而全君臣之道也若不限之以爵則無厭之 之以法限之以爵故爵加而知荣矣斜之以法故法行而 將也百人悦之必百人之將也萬人伏之必萬人之將也 知恩矣恩禁並加畏愛相濟下無貳志上無疑心此明王 心生矣雖極人臣之位而不知禁也若不糾之以法則不 臣開明王之御功臣也量其功而限之以爵審其罪而斜 臣以為賢愚之際優劣之間以此而求十得八九矣 明王選將帥也訪於眾詢於人若十人愛之必十人之 四十七御功臣之術

不立而望奉上之心盡念功之道全或難矣故傳曰報者 忌之心故矣雖竭人主之龍而不知思也思樂不知畏爱 倦矣施者未厭此由爵無限而法不行使之然也唯陛下 問我狄之患久矣備樂之畧多矣故王恢陳征討之謀賈 又問今國家非虜数誠南夷請命所未化者其惟西戎乎 古今異道利害殊宜將欲採之熟為可者 生立表餌之術妻敬與和親之計晁錯建農戰之策然則 欽定全唐文卷六百七十一 四十八架戎秋 白居易 徵悉代之策陳當今之宜

費約盟誓則飾詐而不誠今欲過彼凌劉化其桀驁來遠 討之則疲頓師徒拾之則侵軼邊鄙許和親則放貪而厚 之計自婁敬始徙人實邊勸農教戰之策自晁錯始然則 臣聞我秋者一氣所生不可剪而滅也五方異族不可臣 建以三表誘以五餌之術自買誼始厚以點遺結以和親 用王恢之謀則彈財耗力罷竭生人禍結兵連功不償費 旨大較有四馬若乃選將練兵長驅深入之謀自王恢始 而畜也故爲侵暴之患久矣而備禦之暑亦多矣者其要 人於朔漠復舊土於河湟上策遠謀備陳本末

偷安雖侵界之患暫寧而和好之約屢背故漢氏四代為 漢文知其不可而不行也用妻敬之計則故寵納侮厚貴 之勞匈奴無得志之虞亦絕歸心之望故漢武猶病之有 故漢武憬然而下哀痛之部也用買誼之術則羌胡之耳 匈奴所欺也用晁錯之策則邊人有安上之患未免攻戰 目心腹雖誘而荒矣而華夏之財力風教亦隨而弊矣故 事可覆而視也以今參古棄短取長亦可擇而用馬然臣 若和之以親和之以親不若備之有素斯皆前代已驗之 大きといること 廣武之役也是以討之以兵不若誘之以餌誘之以餌不 白居易

在本而不在末憂在此而不在彼也今國家柔中懷外近 終以為近算淺圖非帝王久遠安邊之上策何者臣觀前 則暫雖有事何足憂馬若國貧則師弱師弱則不虞人因 也何則國富則師壯師壯則令嚴人安則心固心固則思 也若政缺國貧德衰人因則雖一時無南牧之馬不足慶 代若政成國富德盛人安則雖六月有非伐之師不足憂 多分生是文一者二十十一 **陸或在於蕭牆矣則暫雖無事何足慶馬蓋古之王者慶** 則心離心雜則思亂如此久久則天子之憂不獨在於邊 理如此久久則天子之守不獨在於諸侯將在於四夷矣

次包全五文人人人一人 震擊夫然可以不感財用不煩師徒不盟誓而外服不 計故德盛而日聞 匐而來河隴已侵之地族從容以歸上策遠謀不出 而内附如此則四海之內五年之間要先未服之我必 小術宏三王之大猷以政成德盛為圖以人安師北 侵軼過其度劉去而勿追來而勿縱而已然後暑四子 務戰爭不以亭障靜而烟塵銷輕之而去守備但且 畜之如犬羊視之如蜂盛不以士馬強而才力或恃 來非虜向風南蠻底貢所未化者其餘幾何伏願 則服 服必懷柔師壯而時動則威威必 白居易

此矣 肯當之今若合之為五將統之以一的將合則戮力帥 故也夫鎮多則兵散兵散則威不相合而力不相濟矣將 戎大至長驅而來臣恐將卒雖多無能抗者今所以軫 臣伏見方今備邊之計未得其宜何則京師之兵其數頗 眾域堡甚備器械甚精以之過侵掠禁奪攘則可矣若 則心異心異則勝不相讓而敗不相救矣卒然有事誰 慮者豈非此乎其所以然者盡由鎮壘太多主将太 四十九備邊併將置帥

其要也伏惟陛下握我之要操塞之關則西極之憂可以 則同心仍使均握其兵分守其界明察功罪必待賞罰然 園之木持千鈞之屋得其宜也五寸之關能制其開園居 少息矣 不可守之塞有不能備我之將而無不可備之我故曰十 **虜無能為也臣又以為自古及今有不能守塞之兵而無** 後據便宜之地扼要害之衝以逸待勞以寡制眾則雖 改定全喜文· 医六百七十一 易曰王公設險以守其國記曰在德不在險然則用 五十議守險 德與險兼用 白居易 臣

夫險之為利大矣為害亦大矣故天地閉否守之則為利 得十二而霸諸侯葢恃險之論與於此矣史記曰在德不 以為險之為用用舍有時恃旣失之棄亦未為得也何者 臣聞易曰王公設險以守其國又泰得百二以吞天下齊 又何故也今欲鑒昌七審用舍復何如哉 為之守也何則苗恃桐庭負險而亡漢都天府用險而昌 則乖在德之訓罪之則遠守國之誠二義相反其旨何從 在險傳曰九州之險是不一姓益棄險之議生於此矣臣 問以山河為寶者萬夫不能當也以道德為藩者四夷

僻陋不修城郭次辰之間喪其三都者是 怠棄其險也由 たこところ こところころ 白居易 也必兼而用之昔漢高帝除害與利以安天下自謂德不 山爲襟帶以邱陵爲咽喉者地之險人之守也王者之與 干櫓者教之險政之守也以城池為固以金革為備以 天地交泰用之則為害益天地有常險而聖人無常用也 洞庭而不修德政坐取覆亡者是專恃其險也皆子恃其 及於周而賢於秦故去洛之易即秦之險建都創業重 百年是能兼而用之也禁約三苗之徒員大河憑太行保 則以道德為潘以仁義為屏以忠信為甲胄以禮法為 四

以至國朝今欲子兆人家四海建不拔之業垂無疆之 時之宜如置守專城處非稽古之義考其要旨其誰可從 也故自古及今議其是非者多矣今若建侯開國恐失隨 問周制五等其弊也王室衰微秦廢列國其敗也天下崩 壞漢封子弟其失也侯王僭亂何則為制不同同歸於弊 斯而觀之山河之阻溝墉之固可用而不可恃也可誠而 不可棄也智以險昌愚以險亡昌亡之間唯陛下能鑒之 問封建之制肇自黃唐郡縣之規始於秦漢或沿或革 5年之 光ブモ七十 五十一議封建論郡縣

或曰周人制五等封親賢其弊也諸侯擅戰伐陪臣執國 臣聞封建之廢久矣是非之論多矣異同之要歸於三科 郡與國而就愈具書於策當舉行之 大鑒與亡從長而用無論古今擇善而行侯與守而何先 是與馬又曰秦皇廢列國棄子弟其敗也萬民無定主九 縣是作馬又曰漢氏候功臣王同姓其失也爵號太尊上 族爲匹夫故魚爛土崩以至於覆亡也而曹冏士衡之論 宇太廣故鸱張死解以至於勃亂也而晁錯主父之計縣 命故聞蠶食瓜剖以至於衰減也而李斯周青臣之議繇 白居易

多分全在文八卷六百七十一 為周之衰減者上 也亦矯枉而過正歷代之說無出於此者以臣所觀竊謂 也若法壞政荒親離賢棄王澤竭於上人心叛於下如此 於外如此則四夷為臣妾况海內乎雖置守罷侯亦無害 **垂無疆之休建不拔之業者在乎操理杨立人防導化** 是行馬然則秦懲周之弊也旣以亡而易衰漢鑒秦之亡 邦本而已益刑行德立近悦遠安恩信推於中惠化流 九族為響敵况天下乎雖廢郡建邦又何益也故臣以 一未知其二也何者臣聞王者將欲家四海子兆人 一失其道天脈其德非為封建之弊也秦

臣敢知 亂者龍而失教立不遇賢非獨強大之故也縣是觀之苗 大日とうというところ 况國家之制垂二百年法者一王理經十聖變革之議非 今以敦睦親族為先不以封王為急以優勸勢逸為念不 固其本導其源雖郡與國俱可理而安矣尚踰其防失其 之覆亡者君流其毒人雜其心非唯郡縣之咎也漢之禍 以建侯為思以尊賢寵德為心不以開國為意以安撫黎 元為事不以廢郡為謀則無疆之休不拔之業在於此矣 杨雖侯與守俱能亂且危矣伏惟陛下慮遠憂近鑒古觀 白居易

臣聞王者之貴生於人馬王者之富生於地馬故不知地 廢之甚難又復之非便斟酌其道何者得中 之數則生業無從而定財征無從而平也不知人之數則 食力無從而計軍役無從而均也不均不平則地雖廣 因循誠恐弊深而害甚如一朝改作或慮失業而擾人 得而知乎其為功利可得而聞乎 金月白屋文巻で十十一 又問自秦壞井田漢修阡陌兼幷大敵游情實繁雖歷代 問三代之牧人也立井田之制別都鄙之名其為名制可 五十二議井田阡陌 息游惰止兼并實版 旣 圖

畫為夫井量人戶之眾寡分為邑居使地利足以食人人 雖多徒有富之名而無富之實是以先王度土田之廣 使貧苦者無容足立錐之居富強者專籠山絡野之利故 崩壞故井田廢則游惰之路敢阡陌作則兼并之門開至 遷居者來無所處於是生業相因食力相濟其出財征也 **殷專利邑無餘室以容游人逃刑避役者往無所之敗業** 力足以關土邑居足以處眾人力足以安家野無餘田 後天子可以稱萬乘之貴四海之富也自三代之後厥制 待微書而已平矣其起軍役也不待料人而已均矣然 コシラ

数定全唐文 卷六百七十一 廢之頗久復之科難未可盡行且宜漸制何以言之昔商 鞅開秦之利也蕩然廢之故干載之間豪者者得其計王 自秦漢迄於聖朝因循未遷積習成弊然臣以爲井田者 养革漢之弊也卒然復之故一時之間農桑者失其業斯 眾寡相維門問族黨之居有七相係相維則兼并者何所 井田使都鄙渐有名家夫漸有數夫然則井邑兵田之地 則不可久廢不可速成之明驗也故臣請斟酌時宜參詳 古制大抵人稀土廣者且修其阡陌戸繁鄉狹者則復以 相保則游惰者何所容如此則庶乎人無浮心地無遺

棄之而不行法或非於稽古若舉而復用義恐失於隨時 取捨之間何者為可 新其道亡縣者也其欲復之者則曰任鑑合用鞭刑酷吏 其是非者多矣其欲廢之者則曰刻膚革斷支體人主忍 臣伏以漢除內刑追今千有餘紀其間博聞達識之士議 問肉刑者其來尚矣其廢久矣前賢之論是非紛然今欲 而用之則愷悌惻隱之心乖矣此疑繁所謂雖欲改過自 力財產豐足賦役平均市利歸於農生業者於地者矣 五十三議肉刑 可廢不可用 ーヨるコカ

多定全唐文 卷六百七十一 倚而行之則專殺濫死之弊作矣此班固所謂以死罔人 豈無濫死者耶漢文帝始除去之而刑罰以清我太宗亦 若以情實言之則可廢而不可復也何者夫肉刑者益取 失本惠者也臣以為議事者宜徵其實用刑者宜酌其情 謂後其實者也臣又開聖人之用刑也輕重適時變用舍 因而棄之而人用不犯夫如是則豈有罔人者耶此臣所 而天旣降咎及秦人又虐用之而天下亦離心夫如是則 順人情不必乎反今之宜復古之制也况肉刑廢之久矣 腓點則之類耳書所謂五虚之刑也昔苗人始搖為之

故 問聖王之致理也以刑糾人惡故人知勸懼以禮導人 法臣以為復之有害而無利也其可變而改作乎 意也徵之於實旣如彼酌之於情又如此可否之驗豈不 者必痛其心開者必駭其耳又非聖人適時變順人情 也意者將偏舉而用耶將並建而用耶從其宜先後有次 明哉傳曰君子為政貴因循而重改作又曰利不百不變 人知 莫識馬令 取格以道率人性故人反淳和三者之用不可廢 五十四刑 I 朝卒然用之或絕筋或折骨或面傷則見 禮道 选相爲用 情

欽定全唐文卷音七十 其門守其根則王化成矣然則王化之有三者猶天之有 也則時之以禮其植也則養之以道故刑行而後禮立禮 刑以復禮修禮以復道故曰刑者禮之門禮者道之根 立而後道生始則失道而後禮中則失禮而後刑終則修 急將欲致理三者奚先 耶成其功優劣有殊耶然則相今日之所宜酌今日之所 有次指之有偷而已何者夫刑者可以禁人之惡不能防 雨曜歲之有四時發一不可也並用亦不可也在乎舉之 臣聞人之性情者君之土田也其光也則難之以刑其關 白居易 知

次年全事文、 生六百七十一 理亂之深淺順刑禮之後先當其懲惡抑淫致人於勸懼 之節則疎水而附火徂暑之候則遠火而狎水順歲候者 之時則省刑而宏禮清淨之日則殺禮而任道亦如祁寒 人於敦厚莫大於道是以衰亂之代則弛禮而張刑平定 莫先於刑刻邪室欲致人於取格莫尚於禮反和復朴致 人之情禮者可以防人之情不能率人之性道者可以率 下之理畢矣王者之化成矣將欲較其短長原其始終順 人之性又不能禁人之惡循環表裏选相為用故王者觀 水火之用達時變者得刑禮之宜適其用達其宜則天 白居易 Ē

問成康御宇囹圄空虚文景繼統刑罰不用太宗化下而 其變而先後殊備其用而優劣等離而言之則異致合而 金久谷年二十月三二一 國家殺刑罰之日崇禮樂之時所以文易化成道易馴致 而已方今華夷有截內外無慮人思休和俗已平泰是則 人不犯成此功者其效安在無紂在上比屋可誅秦氏為 者由得其時也今則時矣伏惟陛下惜而不失馬 理之則同功其要者在乎舉有次指有倫適其用達其理 策林四 五十五止獄措刑 在富而教之

欽定全唐文、卷六百七十一 節用勸農海內殷實人人自愛不犯刑法故每歲決獄僅 君赭衣滿道致此弊者其故安在今欲監禁紂秦氏之 之不忘後事之元龜臣請以前事明之當周成康之時天 子亦云倉原實知禮節衣食足知樂辱然則食足財豐而 臣開仲尼之訓也旣庶矣而後富之旣富矣而後教之管 後禮教所由與也禮行教立而後刑罰所由措也盡前事 之於篇 繼周漢太宗之功使人有恥且格刑措不用備詳本末著 下富壽人知恥格故囹圄空虚四十餘年當漢文景之 白居易 Ī

萬雖則暴君淫刑奸吏弄法之所致也然亦由天下之人 也教之廢與繫於人之貧富也聖王不患刑之繁而患罪 貧困思奸而多罪也由是觀之刑之繁省繫於罪之眾寡 財竭盡為冠賊羣盜滿山赭衣塞路故每歲斷罪數至十 比屋可戮及秦之時厚賦以竭人財遠役以殫人力力彈 之時暴征響斂萬姓窮苦有怨無恥奸宄並與故是時也 之所致也然亦由天下之人生厚德正而寡過也當禁紂 於昇平故一歲斷刑不滿三十雖則明聖慎刑賢良恤獄 至四百及我太宗之朝勤儉化人人用富庶加以德教至

**苟寡則刑斯省矣是以財産不均貧富相併雖堯舜為主** 士不能止姦完而去盗賊也若失之於本求之於末雖聖 之界不思教之廢而患人之貧故人尚富則教斯與矣罪 即刑之德也至若盡欽即之道竭哀矜之誠使生者不怒 賢並生臣竊以爲難矣至若察小大之狱審輕重之刑定 加減於科條得情傷於察色此有司平刑之要也非王者 不能息念爭而省刑獄也衣食不充凍假並至雖阜陶為 大三と日と、美三丁二一 白居易 端影於表澄流於源則在乎富其人崇其教開其廉恥 死者不恨此王者即刑之法也非聖人措刑之道也必欲

官吏不得其人耶 問今之法貞觀之法今之官貞觀之官昔何為而太和今 路塞其宽濫之門使人內樂其生外畏其罪則必過犯自 也何乃用於昔而俗以寧壹行於今而人未休和臣以為 省刑罰自措斯所謂致羣心於有恥立大制於不嚴古者 金はんごたっていまってイナー 有畫衣冠異章服而人不犯者由此道素行也 伏以今之刑法太宗之刑法也今之天下太宗之天下 為而未理事同效異其故何哉將刑法不便於時耶抑 五十六論刑法之弊 升法科選法吏

\$定全唐文<br />
★右七十一 則詐偽而滋彰滋彰則俗弊此所以刑一而用二法同而 **葢刑者君子行之則誠信而簡易簡易則人安小人習之** 殿法吏故應其科與補其吏者率非君子也甚多小人也 家生殺之柄假在於小人小人之心就不可忍至有騎貨 理殊者也別又律令塵蠹於棧閣制動堆盈於案几官不 非刑法不便於時是官吏不循其法也此由朝廷輕法 賄者矣有怙親愛者矣有陷響怨者矣有畏權豪者矣有 編親法無定科今則條理輕重之文盡詢於法直是使國 欺賤弱者矣是以重輕加減隨其喜怒出入比附由乎愛 白居易 盂

舞文之弊不生於刀筆之下矣與夫愚詐小吏竊而弄之 獎其善明察守文者權為御史欽恤用情者遷為法官如 俊人也升法直為清列則授之者必賢良也然後考其能 苟無貞觀之吏欲其刑善無乃難乎陛下誠欲申明舊章 刻革前弊則在丹高其科重其吏而已臣謹按漢制以四 憎官不察其所由人不知其所避若然則雖有貞觀之法 御史者辟而用之伏惟陛下懸法學為上科則應之者必 此則仁恕之誠棄平之氣不散於簡順之間矣持刻之心 科辟士其三日明智律令足以決狐疑能按章覆問文中

問政不可寬寬則人慢刑不可急急則人殘故失於恢恢 門者之足亡而獲有孔明縣廖立之位死而垂泣三子者 大三とこま て一 矢に一丁二十 白居易 則漏網而爲弊務於察察則及泉而不祥將使寬極適宜 可謂能用刑矣臣伏思之亦何代無其人哉在乎求而 疎密合制上施畏愛之道下有悦服之心刑政之中何者 之考而與之而已伏惟陛下再三察馬 者功相萬也臣又聞管仲奪伯氏之邑沒無怨言季羔 五十七使人畏愛悅服 理大罪赦小過 155 用

外官懲戒之刑加於小吏而縱於長吏是則權輕而過小 乎故有其小者仁也仁以容之則天下之心愛而悦之矣 罪赦小過也書曰宥過無大況小者乎刑故無小况大者 金与全是了一十十二十二 者小也察之不祥魚之吞舟者大也漏之不可刑煩猶水 者或反繩之寄重而罪大者或反拾之臣復思之恐非先 見國家用法似異於是何則急察之政急於朝官而寬於 王宥過刑故之道也然則小大之喻其猶魚耶魚之在泉 刑其大者義也義以斜之則天下之心畏而服之矣臣竊 臣聞聖人在上使天下畏而愛之悦而服之者由乎理大

**欽定全唐文 卷六百十一** 暴者息故舜舉專陶不仁者遠晉用士會盜奔於秦此舉 德選能之效也成康阜其俗禮讓與行文景富其人盜財 臣開聖王之去盗賊也有二道馬始則舉有德選有能使 舉其綱疎其網綱舉則所羅者大矣網疎則所漏者小也 濁水濁則魚喝政寬猶防決防決則魚逝是以善為理者 教化大行姦完者去次又安其業厚其生使廉取大與貪 伏惟陛下舉其綱於長吏疎其綱於朝官舍小過以示仁 理大罪而明義則畏愛悦服之化闇然而日彰於天下矣 五十八去盜賊 舉德選能安業厚生 白居易

臣謹按書曰告災肆赦又易曰雷雨作解君子以赦過宥 有多因窮凍餒者乎無乃陛下之吏有非循良明白者乎 屏息此安業厚生之驗也由是觀之則俗之貪廉盗之有 知恥格舉以賢德使國無俸人自然康讓風行茲濫日息 伏惟陛下大推愛人之誠廣喻稱善之旨厚其生業使俗 放敷者時聞於道路穿衛者或縱於鄉間無乃陛下之人 則重門罕聞於擊析外戶庶見於不局者矣 無繫於人之勞逸吏之賢否也方令禁科雖嚴桴鼓未靜 五十九議赦

赦之不可數也明矣然則赦之爲用用必有時數旣失之 罪斯則赦之不可廢也必矣管子曰赦者奔馬之委轡也 飲定全唐文·卷六百七十一 者踐祚改元之初一用之則為德也居常致理之際數用 不赦者座疽之礦石也又該曰一歲再赦婦兒喑啞斯 要其在兹乎 之則爲賊也故踐祚而無赦則布新之義缺而好生之德 廢亦未爲得也何者赦之爲德大矣爲賊亦甚矣大凡王 廢矣居常有數赦則惠姦之路啟而召亂之門開矣由此 而觀益赦者可疎而不可數也可重而不可廢也用拾之 皇居易 手七

言行播之為風化何為何作得至於斯 之禮未行化人之學將落今欲使工祝知先王之道生徒 於文而不通其旨習禮樂者滯於數而不達其情故安上 者未有不先於學本於禮而能建國君人經天緯地者也 究聖人之心詩書不失於愚誣禮樂無聞於盈減積之為 問學者教之根理之本國家設庠序以崇儒術張禮樂而 厚國風師資肅以尊嚴文物煥其明備何則學詩書者拘 臣聞化人動眾學為先馬安上尊君禮為本馬故古之王 六十投學者之失 禮樂詩書

人之大惠也故命太常以典禮樂立太學以教詩書將欲 詩書之文而不知詩書之旨太常工祝執禮樂之器而不 敬同愛之誠不著所謂去本而從未棄精而好粗至使陛 識禮樂之情遺其旨則作忠與孝之義不彰失其情則合 使四術並舉而行萬人相從而化然臣觀之大學生徒誦 國家刪定六經之義裁成五禮之文是為學者之先知生 師之能否辨教學之是非與講詩者以六義風賦為宗不 師非其人故但有修習之名而無訓導之實也伏望審官 下語學有將落之憂顧禮有未行之嘆者此由官失其業 与舌易

多先全唐文 卷六百七十一 道欲人不化上不安其可得乎 之數楊襲之容也學樂者以中和友孝為德不專於節奏 章句訪訓之文也習禮者以上下長幼為節不專於俎豆 專於鳥獸草木之名也讀書者以五代典謨爲旨不專於 宗廟是故温柔敦厚之教疏通知遠之訓楊於中而發於 之變級兆之度也夫然則詩書無愚誣之失禮樂無盈減 則視之者其不承順聞之者其不率從管乎人情出乎理 之差積而行立者乃升之於朝廷習而事成者乃用之於 外矣莊敬威嚴之貌易直子諒之心行於上而流於下矣

之詳矣是非取舍較然可知今陛下將欲抑諸子之殊途 钦定全喜文、卷六百七十一 白居易 遵聖人之要道則其者宏四術之正義崇九經之格言故 馬然則六家之異同馬遷論之備矣九流之得失班固敘 臣聞仲尼沒而微言絕七十子喪而大義乖大義乖則 退况百氏之殊文詭制得不藏匿而銷盪乎斯所謂排 說與微言絕則異端起於是平歧分派別而百氏之書作 正義著明則六家之異見不除而自退矣格言具舉則九 之偏說不禁而自隱矣夫如是則六家九流尚爲之隱 八十一點子書

別 樂樂以濟禮然後和而無怨別而不爭是以先王並建而 臣聞序人倫安國家莫先於禮和人神移風俗真尚於樂 方以救之乎樂之壞也何術以濟之乎 問禮樂並用其義安在禮樂共理其效何徵禮之崩也何 也伏惟陛下必行之 說而扶大義斤異端而闡微言辨感嚮方化人成俗之要 者所以並天地參陰陽廢一不可也何則禮者納人於 而不能和也樂者致人於和而不能別也必待禮以濟 六十二議禮樂

欽定全唐文《卷六百七十一 白居易 者由不能行之也有行而不至於理者由不能達其情也 之用為急故前代有亂亡者由不能知之也有知而危敗 能達其情者其唯宗周乎周之有天下也修禮達樂者七 用之故理天下如指諸掌耳志曰六經之道同歸而禮樂 放則壞故先王減則進之盈則反之濟其不及而洩其過 繼周者其唯皇家乎臣伏聞禮減則銷銷則崩樂盈則放 年刑措不用者四十年負展重拱者三百年龜鼎不遷者 用能正人道反天性奮至德之光馬國家承齊梁陳隋之 八百年斯可調達其情臻其極也故孔子曰吾從周然則 手

兹乎 亂或損而與或益而亡何述作之跡同而失得之効異也 弊遺風未弭故禮稍失於殺樂稍失於奢伏惟陛下慮其 問禮樂之用百王共之然則悉代以來或沿而理或革而 鄭聲如此則禮備而不偏樂和而不流矣繼周之道其在 物聲明有乖於古制思欲究盛禮之旨審至樂之情不和 方今大制雖立至理未聽豈沿襲損益未適其時宜將文 減銷則命司禮者大明唐禮防其盈故則部典樂者少 六十三沿革禮樂

者改而更張可繼者守而不失具陳其要當舉而行 率如此臣竊謂斯言失其本得其末非通儒之達識也何 屈伸俯仰之度一不修於古則樂不能和矣古今之論大 雖冠服簠簋之制一不備於古則禮不能行矣干减羽旄 不足以理天下非堯舜之樂不足以和神人是以總章辟 臣聞議者曰禮莫備於三王樂莫盛於五帝非殷周之禮 钦定全喜文 卷六百七十一 白居易 者夫禮樂者非天降非地出也益先王酌於人情張為通 以和人心厚風俗是得作樂之本情也盡善沿禮者沿其 理者也苟可以正人倫寧家國是得制禮之本意也苟可

末取舍之宜可明辨矣今陛下以上聖之資守烈祖之制 聲然則苟至於理也聲與體猶可遺况於文與飾乎則本 謂是矣且禮本於體樂本於聲文物名數所以飾其體器 帝三王不相沿襲而同臻於理失其情則王莽屑屑習古 意不沿其名善變樂者變其數不變其情故得其意則五 作馬益禮者以安上理人為體以別疑防欲為用以玉帛 度節奏所以文其聲聖人之理也禮至則無體樂至則無 適足為亂矣故曰行禮樂之情者王行禮樂之飾者亡益 不待損益足以致理然苟有沿革則願陛下審本末而述

次定全事文 长七年上一 蓝不同同歸於理矣 其說若此以為何如 器則哀淫之音息矣者捨今曲奏古曲則正始之音與矣 問時議者或云樂者聲與器遷音隨曲變若廢今器用古 德不可斯須失也夫然則禮得其本樂達其情雖沿革損 俎豆為數以周旋褐襲為容數與容可損益也體與用不 律度鏗鏘為飾以級兆舒疾為文飾與文可損益也心與 可斯須失也樂者以易直子該為心以中和孝友為德以 六十四復樂 古器古曲 白居易 1.11.1

臣聞樂者本於聲聲者發於情情者繫於政益政和則情 繫於曲之今古也何以考之若君政驕而先人心動而怨 之邪正不繫於器之今古也曲者所以名樂樂之哀樂不 和情和則聲和而安樂之音由是作馬政失則情失情失 矣伏觀時議者臣編以為不然何者夫路者所以發聲聲 則聲失而哀淫之音由是作馬斯所謂音聲之道與政通 則雖舍今器用古器而哀淫之聲不散矣若君政善而美 人心和而平則雖奏今由廢古曲而安樂之音不流矣是 故和平之代雖聞孫間濮上之音人情不淫也不傷也亂

為銷鄭衛之聲復正始之音者在乎善其政和其情不在 七之代雖聞成發部武之音人情不和也不樂也故臣以 平改其器易其曲也故曰樂者不可以偽唯明聖者能審 欽定全唐文》卷六百七十一 其音極其聲也 臣以為諧神人和風俗者在乎善其政歡其心不在乎變 桴擊野壞聞之者亦必融融洩洩矣若君政驕而先人心 而述作馬臣又聞岩君政和而平人心安而樂則雖接費 因而怨則雖撞大鐘伐鳴鼓聞之者適足慘慘城城矣故 六十五歲祭祀 自居易 圭

者行於天下則萬人順百神和此先王所以重祭祀者也 臣又觀之豈直若是而已哉益先王因事神而設教因尝 臣開祭礼之義大率有三裡於天地所以示人報本也祠 蒸皆者失疏數豐儉之節今欲使俗無淫祀家不贖神物 省費而厚生人守義而不惑何為何作可以救之 於聖賢所以訓人崇德也享於祖考所以教人追孝也三 裨教化而利生人乎 問聖王立郊廟重祭祀者將以展誠敬而事鬼神乎將欲 又問近者敬失於鬼祭祀以淫攘禱者有僭濫諂媚之風

祭祀則百貨可極馬斯之謂矣然則物力有餘則奢淫之 弊起犯事不節則諂黷之前生先王又防其然也是以宗 祀以利人伸乎人竭其誠物盡其美美致於鬼則利歸 人馬故阜共牲栓則牛羊不得不審矣豐其黍稷則倉廩 次定全事文 长六百七十一 白居易 容非其類者則神不歆而刑不舍二者行於天下則人與 廟有數豐約有度疏數有時非其度者則鬼不享而禮不 不田者無盛則游情者不得不懲矣勤本者不得不勉矣 不得不實矣美其祭服則布帛不得不精矣不畜者無性 四者行於天下雖曰事鬼神其實厚生業也故曰禮行於

章今則鬱而不行於天下者久矣至使送終之禮大失其 奢儉或巫史假於淫昏追遠者昧從生之文像福者有娟 神不相聽矣不相傷矣近代以來稍違祀典或禮物失於 臣伏以國朝參古今之儀制喪葬之紀尊卑豐的換然有 亦齊風俗和人神之大端也惟陛下詳之 其正抑其邪則人不感矣著其誠謹其物則人厚生矣斯 神之祭雖未甚弊亦宜禁之伏惟陛下崇設人防申明國 典孫當不經者示之以禮禳禱非鬼者糾之以刑所謂存 六十六禁厚葬

中貴賤昧從死之文奢儉乖稱家之義況多藏必辱於死 者厚費有害於生人習不知非复而成俗此乃敗禮法傷 問漢魏以降像教寝與或曰足以耗蠹國風又云足以輔 傷生之俗革矣移風革格其在茲乎 章申明喪紀奢侈非宜者齊之以禮凌僭不度者董之以 火モといけて、まちずにトー 財力之一端也陛下誠欲革其弊抑其淫則宜乎振舉國 助王化今欲禁之勿用恐乖誘善崇福之方若許之大行 威故威行於下則壞法犯貴之風移矣禮適其中則破産 六十七議釋教 白居奶 僧尼

本以報應為枝以齊戒為葉夫然亦可誘板人心輔助王 代釋氏尤甚馬臣伏視其教大抵以禪定為根以慈忍為 別撲散器分於是乎儒道釋之教鼎立於天下矣降及近 道釋二教不及於三王近乎德旣下衰道又上失源雜派 率下以一德則下應上無二心故儒墨六家不行於五帝 臣聞上古之化也大道惟一中古之教也精義無二益 金艺人自是了一大三十二 相形從其遠者 愿成異數殊俗之弊裨化之功誠著傷生之費亦深利 然臣以為不可省有以也臣聞天子者奉天之教令兆 

經緯其人矣而又區區西方之教與天子抗衛臣恐乖古 能助於王化然於異名則殊俗足以貳乎人心故臣以為 在若欲以慈忍厚人德則先王有忠恕惻隱之訓在若欲 以報應禁人解則先王有懲惡勸善之刑在若欲以齊 抑人淫則先王有防欲開邪之禮在雖臻其極則同歸或 熟甚馬况國家以武定禍亂以文理華夏執此二柄足以 八者奉天子之教令令一則理二則亂若參以外教二三 京此取彼若欲以禪定復人性則先王有恭黙無為之道 無二之化也然則根本枝葉王化備馬何必使人

一致定全唐文、卷六百七十 寒者今天下僧尼不可勝數皆待農而食待蠶而衣臣竊 律之間古人云一夫不田有受其餒者一婦不織有受其 不可者以此也况僧徒月益佛寺日崇勞人力於土木之 察馬 思之晉宋齊梁以來天下凋弊未必不由此矣伙惟陛下 功耗人利於金寶之飾移君親於師資之際曠夫婦於戒 問國家化天下以文明與多士以文學二百餘載文章換 馬然則述作之間久而生弊書事者罕開於直筆夜美者 六十八議文章 碑碣詞賦

文學取士二百餘年煥乎文章故士無賢不肖率注意 授我國家國家以文德應天以文教牧人以文行選賢以 詩賦碑碣讚誄之制往往有虚美者矣有媳辭者矣若行 文之用大矣哉自三代以還斯文不振故天以將喪之弊 今東筆之徒率爾而言者有矣斐然成章者有矣故歌詠 文矣然臣聞大成不能無小弊大美不能無小疵是以 臣謹案易曰觀乎人文以化成天下記曰文王以文理則 於根源引而救之其道安在 多親其虛辭今欲去偽抑淫支無刻穢點華於枝葉反實 与吾易

也故農者耘稂莠叛秕稗所以養穀也王者刪淫辭削麗 莠秕稗生於穀反害穀者也淫辭麗藻生於文反傷文者 問馬今褒貶之文無嚴實則懲勘之道缺矣美刺之詩不 藥所以養文也伏惟陛下部主文之司諭養文之旨俾 稽政則補察之義廢矣雖彫章鏤句將馬用之臣又聞稂 執於文士發貶之際馬補察得失之端操於詩人美刺之 於時則誣善惡而感當代若傳於後則混眞偽而疑將來 欽定全唐文 卷六百七十一 以納王教聚國風下以存炯戒通諷諭故懲勸善惡之柄 臣伏思之大非先王文理化成之教也且古之為文者上

其得失之政通其上下之情子大夫以為何如 安得盡知天下之情乎今欲立採詩之官開諷刺之道察 大三十二十二十 白居易 教者也然則一人之耳安得編聞天下之言乎一人之心 問聖人之致理也在乎酌人言察人情而後行為政順為 誠去偽小疵小弊蕩然無遺矣則何慮乎皇家之文章不 賦合炯戒諷諭者雖質雖野採而獎之碑誄有虚美娘鮮 與三代同風者數 者雖華雖是禁而絕之若然則為文者必當尚質抑淫著 六十九採詩 以補察時政

業也故國風之盛衰由斯而見也王政之得失由斯而聞 禾黍之詠則知時和歲豐也開非風之詩則知威虐及人 吟詠而形於歌詩矣故聞夢蕭之篇則知澤及四海也聞 在乎選觀風之使建採詩之官俾乎歌詠之聲諷刺之與 風俗之香蕩也聞誰其獲者婦與姑之言則知征役之廢 也聞碩鼠之刺則知重飲於下也聞廣袖高髻之謡則知 自誠大凡人之感於事則必動於情然後與於嗟歎發於 金与石厚文卷一十十一 臣聞聖王酌人之言補已之過所以立理本導化源也將 日採於下歲獻於上者也所謂言之者無罪聞之者足以

不下達下之利病何患乎不上知上下交和內外胥悅若 也人情之哀樂由斯而知也然後君臣親覺而斟酌馬 防川者決之使導善理人者宣之使言故政有毫髮之善 之廢者修之闕者補之人之憂者樂之勞者逸之所謂善 欽定全唐文卷六百七十一 此而不臻至理不致昇平自開關以來未之聞也老子曰 問國家立諫諍之官開啟沃之路久矣而謇諤者未盡其 下必知也教有錙銖之失上必聞也則上之誠明何憂乎 不出戸知天下斯之謂數 七十納諫 上封章廣視聽 日居勿 記

節謀猷者未竭其誠思欲取天下之耳目裨我視聽盡天 子之目不能自明合天下之目視之而後明也天子之心 臣開天子之年不能自聽合天下之耳聽之而後聽也天 獻替之際是非之間若君過臣規固宜有言必納如上得 又問先王立訓唯諫是從然則悉代君臣有賢有否至若 下之心智為我思謀政之壅蔽者決於中令之絕減者通 於外上無違德下無隱情何為何方得至於此 不能自聖合天下之心思之而後聖也若天子唯以兩耳 下失豈可從諫如流以是訓人其義安在

繁者乎聖王知其然故立諫諍諷議之官開獻替啟沃之 次定各国文、长行工一 之苟臣躬言之中有可採者陛下採而用之則聞之者 道仰乎補察遺闕補助聪明猶懼其未也於是設敢諫之 聽之兩目視之一心思之則十步之內不能聞也百步之 然後嘉謀可聞也苟臣管見之中有可取者陛下取而行 臣又開不棄死馬之骨然後良驥可得也不棄狂夫之言 言然後過日聞而德日新矣是以古之聖王由此塗出馬 鼓建進善之姓立誹謗之木工商得以流議士庶得以傳 外不能見也殿庭之外不能知也而况四海之大萬幾之 白居易

審誤則朝廷之得失如指諸掌內矣所謂用天下之耳聽 有愚有賢舉事非盡失也人臣有能有否出言非盡得也 之則無不聰也用天下之目視之則無不明也用天下之 然則先王勤勤態愁勸從諫誠自用者又何哉豈不以自 此則何壅蔽之有耶何絕滅之有耶臣又當觀歷代人君 心識思謀之則無不聖神也聖神敢於上聰明達於下如 而來乎故覺其謀敢則天下之利病如懸於握中矣納其 曰如某之言如某之見猶且不棄況愈於某之徒數則天 下謀散之士得不此局而至乎天下審諤之臣得不繼踵

欽定全害文·卷六百七十一 代豈無愚邪者耶將有而不任耶亂代豈無賢正者耶將 古以來君雖有得未有愎諫而理者也况其有失乎臣雖 有而不用耶思決所疑可徵其驗 問天地無私賢愚閒生馬理亂有時邪正迭用馬然則理 亡也而取舍之際紛然自迷故誅放者多非小人寵用者 又問歷代之君無不知用賢則理用愚則亂從諫與從佞 於此矣惟陛下鑒之 有失求有從諫而亂者也况其有得乎勤懇勸誠之義在 一去超佞從謹直 白居易 型

天下易如覆掌也用舍與亡之驗唯明主能察之然則思 紂之末三仁在朝虞舜之初四凶在位雖仁在朝不能 昏衰之代非無君子君子之道消不肯出而為理也故 然則盛明之代非無小人小人之道消不能見而為亂也 臣開昏明不並與邪正不兩廢益賢者進則愚者退矣曲 乎將已之愛惡昏其鑒乎昏惑之由必有其故 鮮有君子至使衰亡危亂悉代相望豈臣之邪正感其心 所以喪天下速於旋踵也雖凶在位卒能去之所以理 用則直者隱矣亦由晝夜相代寒暑相推必然之理也

變盛為東轉安為危者矣是以明主知君子之守道也雖 是以面從者日親動則假虎威而自負也骨鯁者日疎言 疎其遇小人也必輕而狎狎則恩易下及疎則情難上 志者惡其違己守道者又君子難進而易退况惡之乎 有前車覆而後車不誠者何也益常人之情悅其從命遊 代之主真不知那以賢盛以愚衰君以諫安以倭危然則 欠日日見し、というこ 則犯龍鮮而必死也故政令日以壞邦家日以傾斯所以 人易進而難退况悅之乎是則常主之待君子也必敬而 巴引而進之知小人之徇惑也雖從於命推而遠之 白居易

鑒之 珍也雖遜於心忍而絕之故政令日以和邦家日以理斯 復則君臣不成昔者五帝接其臣以道故其臣致君以德 金がろうたろれるでも十一 夫日月不復則晝夜不生陰陽不復則寒暑不行善惡不 美惡周必復又日其事好還然則復與還皆報施之謂也 夫欲使臣節盡忠人心愛上則在乎明報施之道也傳回 知讜言之為良藥也雖逆於耳怨而容之知佞言之為美 所以變衰為盛轉危為安者矣盛衰安危之效唯明主能 七十二使臣盡忠人愛上 在乎明報施之道

也三王使其臣以禮故其臣事君以忠也秦漢以降任其 其臣亦獨憂獨樂君臣之道旣阻於上則兆庶之心不得 君昏寡救惡之士國危鮮致命之臣是以其君獨安獨危 臣以利故其臣奉君以賈道賈道者利則進不利則退故 以適人知人之所以求我也則盡忠爱上之策在於此不 父母君視人如上外則人視君如寇雙孔子云審吾之所 離於下也故曰君視臣如股肱則臣事君如元首君待 如犬馬則臣待君如路人君愛人如赤子則人愛君如 白居易

産以厚其生使生有所養老有所終死有所送也近代之 多安全唐文 卷六百七十一 賜則謂養老之道盡於是矣臣以爲此小惠也非大德也 主以爲老者非帛不媛非肉不飽而特頒其布帛肉栗之 衣而食之也益能爲其立田里之制以安其業導樹畜之 五十者可以衣帛矣賜之以肉栗惠則惠矣不若教其雞 臣開昔者西伯善養老而天下歸心善養者非家至戶見 何則賜之以布帛仁則仁矣不若勸其桑麻之業使天下 **脲之畜使天下七十者可以食肉矣然後牧以仁賢慎其** 七十三養老 在使之壽富貴 里

其愛使惠治九族化流萬人則宜乎先親後頭自近及遠 雖不與之財而老者得以富矣使幼者事長少者敬老雖 刑罰雖不與之年而老者得以壽矣不奪其力不擾其時 御家邦斯可謂教之源理之本也今陛下誠欲推其恩廣 親故堯之教也睦九族而平百姓文王之訓也刑寡妻而 臣聞聖人南面而理天下自人道始矣人道之始始於親 與孝者用此道也 不與之爵而老者得以貴矣此三代城王所以不遺年而 七十四睦親 選用 自居易

**郵定全唐文★若百十** 問子大夫才曆間出副我旁求宜當悉心靡有所隱其或 教而協萬邦者由此道素行也 三代異戴之實也使棣華之部協於内麟趾之風者於外 或出為牧守入為公卿如此則雖無三代封建之名而有 者也然後置其師傅開之以教訓選其賢能授之以官政 所謂枝葉茂而根本可此骨肉厚而家國俱肥則天下之 相從而化矣故曰未有九族睦而萬人叛者也未有九 雜而萬人和者也益先王所以布六順而化百姓數五 七十五典章教令 뿚

之萬 之禁令列聖之禁令也安有乖於昔時者數但在乎奉與 甚止令未甚行者臣愚以爲待陛下誠信以將之昔宏賤 旨深也此臣所以極干處珠萬死而獻狂直者以副天心 不奉行與不行耳陛下之念至此誠思理之心切好問之 臣伏以今之典章百王之典章也安有戾於古道者數今 行待就信而行今百王之典具在列聖之法明備而禁未 典章有違於古禁令不便於今爾無面從予將親覽 行化德及泉魚非嚴刑所致也推其誠而已魯恭為理仁 馬臣聞典章不能自舉待教令而舉教令不能自

及春程非猛政所驅也委其信而已令以陛下上聖之資欽定全唐文人卷音十一 馬 化成五年理定臣竊未以爲遲矣伏惟陛下少非意而待 年而定陛下苟能勤教令以撫之推誠信以奉之則三年 敷而化不治乎臣聞周公之理也周年而變三年而化五 仁惠之力令行禁止之勢萬萬於一邑一宰也何慮教不